

- वित्त मंत्री निर्मला सीतारामण कहयो—गरीबां अर नाह्ना कारोबारियां सारू कर्ज लेवणो आसान बण्यो ।
- प्रदेश मांय विमुक्त, घुमतू अर अर्द्ध घुमतू पिरवारां ने काल ऊं आवासीय पट्टा दिया जावेला ।
- उपमुख्यमंत्री दिया कुमारी कहयो — राज्य सरकार रो ईको पर्यटन अर वन्य जीव पर्यटन ने बधावो देवण माथे खास ध्यान ।
- अन्तर्राष्ट्रीय वृद्धजन दिवस रे मौके आज प्रदेश मांय न्यारा—न्यारा कार्यक्रम राख्यी ज्या ।

000

वित्त मंत्री निर्मला सीतारामण कहयो है के गरीबां अर नाह्ना कारोबारियांसारू बैंक ऊं कर्ज लेवणों अब आसान बण्यो है । वे आज अरुणाचल प्रदेश रा ईटा नगर मांय ऋण आउटरीच कार्यक्रम रे दौरान न्यारी—न्यारी सरकारी योजनावां रो फायदो लेवण वाळां ने संबोधित कर रही ही । वित्तमंत्री कहयो के ऋण आउटरीच कार्यक्रम सरकारी जनता रा भला री योजनावां रो फायदो जनता ताँई पूगावण मांय मदद करे है ।

.....  
प्रदेश मांय विमुक्त, घुमतू अर अर्द्ध घुमतू पिरवारां ने काल ऊं आवासीय पट्टा दिया जावेला । इन रा पहला दौर मांय चुणी ज्या 20 हजार 721 पिरवारां ने पट्टा दिया जावेला । मुख्यमंत्री भजन लाल शर्मा जयपुर मांय राख्या जावण वाळा राज्य स्तर रा जळसा मांय आं पिरवारां ने आवासीय पट्टा देवेला । पट्टा देवण रो कार्यक्रम जिला मांय ई राख्यो जावेला । राज्य स्तर रो जळसो सगळा जिला मांय व्हेवण वाळा कार्यक्रमां मांय बतायो जावेला । चुणी ज्या 10 जिलां मांय इन रो फायदो लेवण वाळां सागे मुख्यमंत्री वीडियो कांफ्रेंसिंग रे जरिये बातचीत करेला । कार्यक्रम रे दौरान मुख्यमंत्री स्वच्छता ही सेवा—2024 कार्यक्रम री सरुआत ई करेला ।

000

प्रधानमंत्री नरेन्द्र मोदी री अगुवाई वाळी केन्द्र सरकार रा तीजा कार्यकाल रा पहला एक सौ दिन मांय करी ज्या खास कामां री जाणकारी देवण सारू आकाशवाणी जयपुर रा प्रादेशिक समाचार बुलेटिनां मांय खास श्रृंखला चलायी जा रही है । इन मांय आज पेश है कोयला मंत्रालय री उपलब्धियां री जाणकारी—

.....  
स्वास्थ्य अर परिवार कल्याण मंत्रालय री ओर ऊं आज जयपुर मांय इंडिया ब्लड डोनेशन एनजीओ कॉन्कलेव' राख्यी ज्यी । कार्यक्रम मांय खूनदान रा हलकां मांय बेहतरीन काम करण वाळी संस्थावां अर स्वास्थ्य मंत्रालय रा नुमाइंदा मौजूद हा । जळसा ने केंद्रीय स्वास्थ्य राज्य मंत्री प्रताप राव जाधव वीडियो कांफ्रेंस रे मार्फत संबोधित कीनो । वे खून देवण वाळा एनजीओ री सराहवणा करता थकां कहयो के खूनदान रा बारा मांय जनता मांय जाग जगावण री मोटी चुनौती हैं । स्वास्थ्य मंत्रालय रा डीजी अतुल गोयल कहयो के खूनदान रा कार्यक्रम लगातार व्हेवणा चाहिजे ताकि जरुरतमंद लोगां ने खून मिल सके । कार्यक्रम मांय न्यारा—न्यारा राज्या ऊं आया खून देवण वाळा गैर सरकारी संगठनां रा नुमाइंदां ने ईनाम दिया ज्या ।

000

उपमुख्यमंत्री दिया कुमारी कहयो है के मौजूदा दौर मांय सैर—सपाटा सागे ईको पर्यटन ई खास है । वे आज जयपुर मांय वनरक्षक आधारभूत सिखावण कार्यक्रम रा उद्घाटन जळसा मांय बोल रही ही । उपमुख्यमंत्री कहयो के महिलावां हर हलका मांय कामयाबी हासिल कर रही है । वे कहयो के राज्य सरकार ईको पर्यटन अर वन्य जीव पर्यटन ने बधावो देवण सारू लगातार काम कर रही है । उप मुख्यमंत्री कहयो के वनरक्षक आधारभूत सिखावण कार्यक्रम मांय 1 हजार 450 वन रक्षकां मांय ऊं 710 महिला वन रक्षक है, जो माथो ऊंचो करण री बात है । उपमुख्यमंत्री तीन महीना री सिखावण ले रहया वन रक्षकां ऊं कहयो के जंगलां री कटाई रोकण, जंगली जिनावरां रा शिकार ने रोकण, जंगल मांय काम करता थकां जंगली जिनावरां, शिकारियां अर असामाजिक तत्वां ऊं सावधान रेहवण अर जंगलात हलकां ने बधावो देवण मांय वां रो खास काम है । संसदीय कार्य, विधि अर विधिक कार्य मंत्री जोगाराम पटेल ई आज जोधपुर मांय वानिकी

प्रशिक्षण संस्थान कानी ऊं राख्यी ज्या वनरक्षक आधारभूत प्रशिक्षण सत्र रो उद्घाटन कीनो। ई मोके संसदीय कार्य मंत्री कह्यो के राज्य सरकार नौजवानां ने नौकरी धंधां रा मौका मुहैया करावण सारू लगातार काम कर रही है। वे कह्यो के राज्य सरकार ई साल 1 लाख नौजवानां ने नौकरी देवेला।

00000

उत्तर पश्चिम रेलवे मांय आज ऊं 15 अक्टूबर तांई स्वच्छता पखवाड़ो मनायो जा रह्यो है। जयपुर मांय राख्यी ज्या कार्यक्रम मांय में स्वच्छता शपथ सागे पखवाड़ा री सरुआत व्ही। उत्तर पश्चिम रेलवे रा मुख्य जनसम्पर्क अधिकारी कैप्टन शशि किरण बतायो के महाप्रबंधक अमिताभ प्रधान कार्यालय मांय अहलकारां अर कर्मचारियां ने साफ-सफाई राखण री शपथ दिरायी। पखवाड़ा रे दौरान रोजीना न्यारी-न्यारी थीम रा आधार ऊं सफाई रा बारा मांय जाग जगायी जावेला। काल गांधी जयंती रे मौके स्वच्छ भारत दिवस रे तैत श्रमदान कर र सफाई व्यवस्था मांय सगळा री भागीदारी तैय करी जावेला। स्वच्छ स्टेशन अर स्वच्छ रेलगाड़ी रा तैत स्टेशनां माथे ई अभियान चलाये जावेला। स्वच्छता ही सेवा अभियान रा तैत प्रदेश मांय आज ई न्यारा-न्यारा कार्यक्रम राख्यी ज्या। पाली जिला मांय सगळा सरकारी दफतरां अर संस्थानां मांय साफ सफाई करी ज्यी। भरतपुर रा महारानी श्री जया राजकीय महाविद्यालय मांय पोस्टर बणावण अर प्रश्नोत्तरी री होड़ां राख्यी ज्यी। ई दौरान कॉलेज मांय साफ-सफाई करी ज्यी अर पौधा रोप र स्वच्छता री शपथ दिरायी ज्यी। करौली मांय बैंक ऑफ बड़ौदा री मदद ऊं हजारीपुरा गांव मांय स्वच्छता शपथ अर साफ-सफाई रा कार्यक्रम राख्यी ज्यो। केकड़ी मांय होम्योपैथी कॉलेज री ओर ऊं सफाई सारू जाग जगावण बाबत कार्यक्रम राख्यी ज्यो अर मुफ्त इलाज रो शिविर लगायी ज्यो। सवाईमाधोपुर मांय आज नगर परिषद री ओर ऊं बाजारां ऊं 30 किलोग्राम प्लास्टिक जब्त करी ज्यो। बांसवाडा जिला रा घाटोल री स्कूल मांय विद्यार्थी अर स्टाफ रा सदस्य श्रमदान कर र सार्वजनिक ठोड़ां सफाई राखण रो संदेश दीनो।

0000

राष्ट्रीय स्वयंसेवक संघ के अखिल भारतीय प्रचार प्रमुख सुनील आम्बेकर कह्यो है के देश अर दुनिया मांय हर भांत री समस्यावां रो समाधान हिंदुत्व मांय मौजूद है। वे सीकर मांय चाल रह्या शेखावाटी साहित्य संगम मांय राख्यी ज्या सत्र स्वर्णिम भारत के दिशा सूत्र मांय बोल रह्या हा। वार्ताकार अर लेखक मुरारी गुप्ता सागे बातचीत करता थकां वे कह्यो के राष्ट्रीय स्वयंसेवक संघ हमेशा समाधान री बात करे है। आम्बेकर कह्यो के भ्रष्टाचार ने ख़त्म करण री सरुआत समाज री ओर ऊं व्हेवणी चाहिजे

000

आज अन्तर्राष्ट्रीय वृद्धजन दिवस मनायी ज्यो। ई मौके नई दिल्ली मांय राख्यी ज्या ज़ज़सा मांय सामाजिक न्याय अर अधिकारिता मंत्री डॉ. वीरेन्द्र कुमार कह्यो के आज जूनी पीढ़ी री बुद्धिमानी, धीरज अर योगदान रो मान करण अर वां सागे बिताया बगत ने याद करण रो दिन है। वे कह्यो के बुजुर्ग मौजूदा पीढ़ी ने सही गेलो बतावण मांय खास काम करे है। केन्द्रीय मंत्री कह्यो के सरकार बुजुर्गा रा भला सारू लगातार काम कर रही है अर आवता साल अंतर्राष्ट्रीय वृद्धजन दिवस रे मौके साफलां मांय मोटा पैमाना माथे कार्यक्रम राखण री योजना बना रही है। अंतर्राष्ट्रीय वृद्धजन दिवस रे मौके सामाजिक न्याय अर अधिकारिता विभाग री ओर ऊं राज्य स्तर रो ज़ज़सो जयपुर मांय राख्यी ज्यो। ज़ज़सा मांय सिरोही जिला रा भीक सिंह भाटी ने सामाजिक हलका मांय बेहतरीन काम करण सारू नवाजी ज्या।

ई सागे ई बुजुर्गा रा भला, सांस्कृतिक, कला, सामाजिक अर साहित्य रा हलका मांय खास काम करण वाड़ा बुजुर्गा अर बुजुर्गा रा भला सारू काम करण वाली खुद सेवक संस्थावां रा नुमाइंदां रो मान करी ज्यो। प्रदेश रा दूजा जिला ऊं ई ई मौके कार्यक्रम राख्या जावण रा समाचार मिल्या है। बारां मांय न्यारा-न्यारा मुख्यमंत्री पुनर्वास घरां मांय बुजुर्गा रा मान सारू कार्यक्रम राख्यी ज्या। डीग जिला रा नगर मांय बुजुर्गा रो माला पहरा र अर शॉल ओढ़ा र मान करी ज्यो। जैसलमेर मांय भारत निर्वाचन आयोग अर राज्य निर्वाचन विभाग री ओर ऊं एक सौ साल रा बत्ती उम्र रा मतदातावां रो मान करी ज्यो। गांधी कॉलोनी री रहवासी शतायु मतदाता नवियादेवी रो वां रे घर जा र माला पहरा र अर मुख्य निर्वाचन अधिकारी कानी ऊं भेजी ज्यो मानपानो दे र मान करी ज्यो। पाली जिला रा सोजत मांय सोजत विधानसभा हलका रा सौ साल ऊं बत्ती उम्र रा 104 मतदातावां रो मान करी ज्यो। झालावाड़ मांय राख्यी ज्या कार्यक्रम मांय वृन्दावन रा 101 साल रा मांगीलाल अर झालावाड़ रा 100 साल रा किशनलाल ने खास पावणा रा तौर ऊं मुख्य निर्वाचन आयुक्त कानी ऊं भेजी ज्यो मानपानो दे र नवाजी ज्या। जिला रा झालरापाटन मांय पंडित गिरधर शर्मा नवरत्न वाचनालय मांय बुजुर्ग कपड़ा कारोबारियां रो मान करी ज्यो। बाड़मेर ज़िला मांय 104 साल री लच्छी, 103 साल री कुसुम कंवर अर मूसो अर 102 साल री लाधू देवी समेत 100 साल या बत्ती उम्र रा कई मतदातावां रो मान पानो दे र मान करी ज्यो। नागौर मांय चेनार गांव रा 103 साल रा मतदाता नूरा ने

ਸਾਰਿਫਿਕੇਟ ਦੇ ਰਿਵਾਜੀ ਜਿਆ। ਸਲੂਘਰ ਮਾਂਧ ਰਾਖਵੀ ਜਿਆ ਕਾਰਥਕਮ ਮਾਂਧ ਸ਼ਤਾਯੁ ਮਤਦਾਤਾਵਾਂ ਰੋ ਮਾਨ ਕਰੀ ਜਿਓ।  
ਡੂਂਗਰਪੁਰ ਮਾਂਧ ਸੀਮਲਵਾਡਾ ਪਂਚਾਯਤ ਸਮਿਤਿ ਮਾਂਧ ਰਾਖਵੀ ਜਿਆ ਮਾਨ ਜਲਸਾ ਮਾਂਧ 100 ਸਾਲ ਯਾ ਬਤ੍ਤੀ ਤੁਸ੍ਰੀ ਰਾ  
ਦੇਵਾਂਗ ਮਨਾਤ ਅਤ ਮੋਹਮਦ ਬੰਗ ਰੋ ਮਾਨ ਕਰੀ ਜਿਓ।

00000